


報日環循

西曆一千八百八十四年八月廿七號

仲江花十二員八至十三員	每担
車仔花十六員至十五員五	每包
方包花十二員五至十三員五	每包
軟花十四員至十三員五	每包
新地花十員二五至十二員五	每包
洋花十三員五至十四員壹	每包
青菊粗紗八十五員至八十四員	每包
山鷄藍琵琶七五全員至全員	每包
紅牛粗紗八十三員五至八十四員	每包
紅佛中步紗八十八員至八十七員	每包
紅龍嘜粗紗八十五員至八十六員	每包
樹壁什葛紗八十五員至九十員	每包
手撈七磅扣布一員七七五	每包
鸚鵡七磅原布一員五二五	每包
什號白布二員八五至二員八	每包
十磅原布二員九	每包
三百號白布二員七	每包
六百號白布三員三	每包
金虎白布四員三至四員四	每包
七百五號白布三員三五	每包
六鶴八磅扣布二員二五	每包
人馬七磅正扣布壹員五五至壹員五	每包
冲猪頭七磅扣布一員六五	每包
鑲鑽七磅扣布壹員九五	每包
藍魚八磅四原布一員九五	每包
八雀七磅扣布二員七	每包
十雀八磅扣布三員一五	每包
紅塔八磅扣布壹員八五	每包
紅鹿七磅扣布壹員六五	每包
銀鳳八磅扣布一員六	每包
八寶蓋八磅扣布二員壹至二員一五	每包
白竹布三員六至二員七五	每包
廿四碼花加紗一員七五至壹員五	每包
色桂花三員六至三員七	每包
紅扯花三員五	每包
什色扯花布二員三至二員三五	每包
什色花布壹員七五至壹員七	每包
八磅七五紅布壹員九	每包
二磅五洋紅布壹員五	每包
十四磅斜布三員二	每包
綠龍白竹布三員三	每包
什色馬尾織一毫八五	每包
金紅羽紗十二員五至十四員	每包
棉花羽綢三員壹二五	每包
藍佛八磅四原布二員一五	每包
銀牛七磅扣布一員四五	每包
壹號元青羽綾十三員至十二員二五	每包
什色羽縐九員八至十員	每包
天青羽紗十四員至十三員	每包
白紫羅布六毫三	每包
紫紫羅布九毫二至一員	每包
什色閃巾六毫至五毫五	每包
什色花羽綢四員六至四員五五	每包
索羽縐五員五至五員四三	每包
箭夢紅呷機六員二	每包
箭鹿紅呷機六員三	每包

圖共

屈臣氏製積塔餅發售
監臣



此餅揀選上品地道藥料製成色如雪白性和味甜小兒最喜入口善除諸般虫病及五疳積聚脾胃虛弱積食生痰以致皮黃骨瘦腹現青筋時見肚痛糞下白泡百病叢生醫家難治多有因茲而誤殤者甚爲可惜如服此餅虫積盡消且能補脾胃肌肉日長有奇功而無後患誠爲小兒去積之至寶靈藥也或有年稍長者亦有因虫積而無治法皆宜服食平人服之能防蠱患本藥局倡設於香港已四十年備究中國水土配製此餅專有去積培元之功毫無尅伐耗創之患兼能調和臟腑開胃消食非同別家所售者比茲因此餅通行日久各省馳名其餅樣似花塔故俗常以花塔餅呼之且因近年銷售甚多故特減價平賣以便販客易於運兌帶往各省俾能廣行濟世云爾本藥房藥准用龍麟伴塔爲記別人不得私用恐有假冒 諸尊賜顧細認招牌庶免有誤

每樽銀貳毫五仙 本藥房在香港 粵城內外 上海 英京 福州 小呂宋 天津 漢口 京都 汕頭 廈門 澳門 佛山 三月廿四日 屈臣氏大藥房識 謹啟

中 華 醫 生

黃保安包醫柳花癰血瘋癲面
子業醫數代中外馳名得自祖傳奇方以來百經百效救人無算萬無一失
功難盡述染此症者或家山所發陰感天地癘毒潮濕燠蒸或宿娼悞染蚊
針蟻咬面似虫行兩耳浮大肉跳心驚種種百端漸起或起或停有此症者
急到本館取丸不論遠年初染服之脫胎換骨永無復發之憂此真治癰瘋
之靈丹至寶也○癰瘋保命丹○每料實銀拾兩○八寶三蛇擦雲丹○每
料實銀廿四兩○透骨殺虫丸○每料實銀五兩○近有無耻之徒因貪圖
利在子左右街設立醫館專用壓藥以欺騙患者真令鬼神共怒矣來醫者
必須認真子館招牌爲記免致錯往別館自陷其身之後悔也買丸藥者請
寄省渡代買不悞一老館在廣東省城西關渡頭北帝廟前新基西街向西
開張絕無別館 子倘有墜毒快人永遠不昌 三三三 黃保安謹啟

招 商 局 告 白

啟者仁和濟和保險
公司現議癸未年份
之老本息週息九厘
算訂於六月十五日
開派凡有股 諸君
祈携息摺到本局領
取此達 幸一
光緒十年六月初七
廣州 輪船招商局啟
香港

售出船珠真

啟者前織墨齋在西法點石書局定印小題
眞珠船一套內文一萬有奇其題之備文之
精前已刊報原於五月告竣乃自本堂承受
之後詳加較訂另添補名作精益求精故至
今始竣然書成之日外埠承辦十去其七粵
東僅餘數百套每套分釘十二卷該銀四兩
六錢不折不扣斷不減價特此佈聞 一在
十八甫經香閣 雙門底玉山樓 佛山北
勝街天成葵扇店 香港循環日報 發售
羊城枕經堂謹識 四十六號

啟者本公司轉調股份事合同
例則內第二十三條至三十一
條已有註明惟現在股份中或
有遇事被封或有欠下本公司
銀兩或有假偽股票不等凡有
欲買受本公司股份及按押者
必須先到掛號查驗明白允准
可換股票方得無誤特此佈聞
光緒拾年 五月吉日 利遠糖局有限公司謹啟

羊城鑑古書局

啟者本局開設羊城南關增沙做用
西法點石印書一切典籍繕以端楷
再三讐校始行刷印現印校補四書
味根錄四書類典串珠校補詩韻合
璧新增詩句題解韻編分韻文選題
解試律觀海等書俱仿袖珍本式將
已陸續告成恐限以地遠近未及週
知用特佈聞博雅之士倘承惠鑒頗
便舟車未始不非藝林助也

羊城鑑古書局謹啟

常 有 頂 上 白 鹽

茲本號現有古蒙
及新洲頂靚白鹽
發售自數十担至
一萬担任由採辦
貴客光顧祈請至
本公司或到油蔴
地廣棧面議是荷
甲申年六月初二
香港上環和興西
街利榮公司啟

啟者本港廣悅泰
棧夥伴沈天來於
本月廿六早四點
鐘攜帶本棧銀三
百八十五圓八毫
五仙未知去向倘
有意外與本店無
涉特字聲明以免
後論 幸查

廣悅泰棧謹啟

告白

啟者本公司癸未
歲年結經已札實
於本月二十日循
例聚會酌議推舉
核數人及各事宜
預此佈達

光緒十年
六月吉日

萬安保險有限公
司總理人謹啟

情行份股司公各

香港上海銀行每股現值價每百員加百二十員
香港火燭保險公司每股現值價三百四十員
香港大酒店公司每股現值價一百四十八員
香港火燭保險公司每股現值價一百四十八員
安泰保險公司每股現值價一百四十八員
洋子保險公司每股現值價一百三十五員
省港澳輪船公司每股現值價加四十二員
印度中國輪船公司每股現值價每百員減五十員
香港及中國麵餉局每股現值銀壹百員
黃埔船塢公司每股現值價八十五員
香港煤氣公司每股現值價一百五十員
於仁保險公司每股現值價一百四十員
華商保險公司每股現值價一百九十員
謙當保險公司每股現值價九十員
中華火燭保險公司每股現值價六十五員
中國火車糖局公司每股現值價一百一十三員
香港雪廠公司每股現值價一百一十三員
中朝一千八百七十七年貸款每股無加減
中朝一千八百七十八年貸款每股無加減
中朝一千八百七十九年貸款每股無加減
中朝一千八百八十年貸款每股無加減
中國小呂宋輪船公司每股現值價六十六員
中外保險公司每股現值價六十六員

上諭恭錄 六月二十一日奉 上諭衛榮光奏龍神顯應請頒匾額一摺江蘇陽湖縣橫縣白龍神素著靈應近年該處旱蝗爲患迭經該地方官往禱均獲立沛甘霖秋成告稔實深寅感着南書房翰林恭書匾額一方交衛榮光祇領敬謹懸挂以答神庥欽此○二十二日軍機大臣面奉 諭旨本月二十五二十六二十八日均着推班欽此○三十四日奉 旨這所參疏防越獄之管獄官河南蘭儀縣典史胡瀛着卽革職拿問交鹿傳霖提同刑禁人等嚴審有無鬆刑賄縱情弊按律懲辦有獄官調署蘭儀縣知縣王季球據報先期公出有無捏飾規避着確查辦理仍勒限緝拿逃犯韓欽愬務獲究辦倘限滿無獲再行照例查參餘着照所議辦理該部知道欽此○二十九日奉 上諭曾國荃奏贛榆縣漁團分局委員江涵秀縱勇滋事迫經喊控到局輒遷愆旁人將附貢生董雲典違例刑責監生董雲虹等控縣驗明傷痕屬實由縣移令交出滋事勇丁復敢始終庇護延不交案經委員會同海州提訊明確請旨革職究辦等語江蘇候補知縣江涵秀於勇丁滋事一案前既不能約束事後復一味偏袒並將無干之附貢生董雲虹擅行刑責實屬任性妄爲亟應從嚴懲辦江涵秀着卽行革職勒令交出首先滋事勇丁歸案究辦以肅軍律欽此

羊 城 新 聞

准補潮州府司糧黃廷賓飭赴新任 高明典史梁輔國餉回本任 連平州東巨鉞以地瘠食淡東巨餉明

補 准補大埔三河壩司顧舒飭赴新任○七月初二日 督撫憲轅報 廣州府蕭稟知考試本屬文童試畢候

補通判黃嘉齡稟謝記功超委候補通判劉保林稟知委往陽江提案候補通判陳嵩申稟知府試監場畢試用縣

陳廷蔚稟知在府署閱卷畢本日進積案局大挑知縣胡汝淵稟知委驗南海監故犯差番禺縣丞夏稟銷府試貢

院巡查差大挑知縣楊松年稟銷府試監場並閱卷畢稟知委總辦魚雷局務從九品謝慶恩稟知肇羅道委解肇

安輪船支存銀兩來省○初三日 督撫憲轅報 試用道鄭稟知奉委往浙江查引地先用鹽運同鄒清鳳稟知

奉委督辦臨全大江梧局候補同知莊允懿候補縣金文輝俱稟辭往香山候補通判劉宗現稟知委會放確橫藩

庫廳宋稟知放八旗兵餉候補鹽大使秦昶丞稟辭赴任化卑督銷補用縣王承彥稟知會督在河南拿獲竊匪一

名交番禺縣審辦候補縣周濟仁稟辭赴都城厘廠候補縣張爾昌稟知委催前署高要張故令交代○七月初一

日初二日 督憲武弁轅報 雲南昭通鎮何雄輝稟呈履歷記名提督楊安典稟謝賞大鵬協賴稟到委署惠州

稟辭陸路提標後營遊擊豐壽稟到稟呈履歷補用游擊劉鑑稟知初三早在東轆塲勝陣擊鎗補用守備王吉稟到拿獲私鹽四萬餘斤船三隻來省交緝私局○粵垣又現中法之事雖已決裂戰務紛紜軍書旁午惟粵垣貿易如常人心安謐誠以張香濤倪豹岑撫軍及彭雪琴欽憲調度有方聲威遠播是以各皆又安無虞驚恐也○墻圯聞老城內有包辦酒席店開張十有餘載其鄰舍租賃與人作為住宅然或住或徙無常日久年湮墻壁傾斜猶未修理忽于前數日風雨之餘陡然傾圮幸在午候室無即酒館工件亦叨無恙惟器用已成釐粉矣○鄉員妄想 茲聞前數日某大憲驃從有一外籍人員踞於輿前自稱來粵候補多年深悉中外情形現將其形勢條列以陳官憲細閱條陳諸多謬妄細詢其事跡又語無倫次隨從人等有識其面貌者乃從九也來粵候補久無差使鬱抑成病狀類瘋癲遂將情由面稟大憲而摩之使之去焉

罪疑惟輕蕭九無賴之徒也平日酗酒行兇鄉鄰畏懼不以其行去姑特事焉爲人告發官憲以其素不安分敬禁十年現有紳士鄧耀基等以其定罪從輕來府再控昨日蕭太尊批云昨據三水縣通稟蕭亞九一犯經前縣迭訊堅不承認爲匪其陳之基等所控莫受等被劫擄捉各案縣中均無卷宗可稽擬同投首之潘亞士等對質亦無供認夥同行劫李咸孚家情事該縣抵任傳集陳之基等質訊雖據蕭亞九供認槍擄不諱惟旋認旋翻復傳莫受到案訊以伊女實被何人擄捉又不能切實指証其爲畏攻混認已可概見但訪查蕭亞九平日專事飲博屢次逞兇索詐實非安分之徒擬請酌予敬禁十年以示懲儆等情據呈蕭亞九實係初擄者匪會經該紳等及事主到案指証確鑿核與縣稟互異是否犯供狡卸應否准予再提覆訊另行擬辦應俟奉到各憲批行遵照辦理毋容遽請提府致滋拖累粘抄附

此音耗瞬息千里較諸置郵傳命無此迅速而川麟塞羽固不能與之並論也故近日之留心時務者輒謂泰西之所以致其富者恒恃乎此卽所以成其強者亦恃乎此蓋有電報則市價之低昂貨物之盈絀無煩億度可得而知亦有電報則兵家之利鈍敵人之情僞莫不瞭然儼能逆睹誠軍國重務人生日用所必不可少之物也自中法交兵以來所傳電報轉有倏忽之間前後舛謬幾不足以測其虛實致令人難堅其信而輒生其疑者則又何哉卽如初三晚電報謂中法於是日兩點鐘在羅星塔開仗中國大破法軍轟沉法船三艘而初四日電報又謂

法人開炮攻擊羅星塔軍裝局三點鐘之久即成蹂躪中國戰船祇有兩艘逃脫餘則盡爲轟沉是孰勝孰敗前後互異也夫疆場之地戰陣之機陷陣衝鋒拳旗斬將軍情之重莫大於此而尚未得確實則其他何論焉若謂事宜秘密多魚漏師從古所戒故不欲宣示於外則亦何必設此電音若謂兵已交綏兩軍之士皆死亡之不暇其上馬能殺賊下馬能作露布者世有幾人而身居局外之人又不敢親履行間悉皆得自耳目則傳聞異詞在所不免是有電報仍如無也又何貴有電音然泰西之例凡兩國交兵其守不偏助之義者皆得憑軾以觀勝敗而且各日報之士亦得領取文憑隨營觀察往來不禁俾得據事直書報告各國如昔年普法之戰俄土之戰用皆一一登錄傳爲故事今中法之戰實中外大局所關民生休戚所係宜必有日報者彙筆其間凡軍中動靜兵勢強弱與夫執曲執直孰勝孰負莫不紀載無遺則發諸電音足定徵信而茲之莫衷一是者豈初三晚之電音係得自華人發來故自言其勝歟初四日之電音係得自法人發來故自諱其敗歟是皆未可遽度者也惟是法之陰圖中國其詭謀已蓄於平時其禍機乃發於一旦卽有敗衄亦必諱莫如深而諸國之從壁上觀者要各有所覬覦卽各有所顧忌欲法之敗者固不乏人欲法之勝者亦不乏人故以其所私意各報所聞亦孰得而嚴爲詳察也要之帷幄運籌疆場決勝名曰軍機本機密事也誰肯彰明較著以表暴於天下者故知電報之設惟於昇平之時似甚相宜若不幸而變故相尋禍患猝起則轉覺不足恃者矣

照錄越南三宣提督義員吳夢淵亭節帥覆翁友書 福山野人也曩以選拔赴粵家南徙于越有起君知遇優待有加畀以僻地一隅賴安甯得所此地崇山峻嶺村落錯雜據險而處樂郊之適于斯詠之其間山可樵水可漁有田可耕有書可讀福于此徜徉物外蓋久不欲干預人間事矣維彼法人狡焉思逞陽藉保護之名陰肆侵吞之計福受越君重寄憤然起而應之殲厥渠魁俘其將弁法衆之授首于我鋒鏑者不可勝數由是再接再厲迭奏膚功凡此皆自 天佑之福何力之有哉前者法以重權厚利餌我福曾語以顯秩榮名我所自有我豈甘爲不忠不孝不仁不義之人自時厥後法計窮矣夫福固大丈夫也雖不敢當千古之令名豈甘蒙千古之惡名哉惟勤修武備厚集軍實靜以待之法人如罔知愧悔尙欲窮兵黷武是乃自取滅亡福還當從容整旅再進而與之一鼓誓盡殲厥醜類滅此朝食以期掃蕩法氛而後快劉福覆 此書得之於沛國友人聞原書中亦未明註日月大約爲近日所寄捧讀一過覺忠義之氣溢於字裏行間用亟錄報以公同好○法人敗信 海防西人致京友書云西歷六月二十三號

劉軍奉 中朝之命一律退兵法兵追而擊之以爲可滅此朝食也不料劉軍奮勇抵禦互戰于朗松城外法兵大敗而遁吾知法人於此必將掩耳盜鈴唆其駐京公使要挾中朝矣吾雖局外人願代中國殷鑒○華人好義 中國近來海防支用浩繁各處籌捐不遺餘力而內地居民每苦不勝供給而外洋者無論矣乃新金山一隅之地華人之旅於此者前因中國海防籌費乃共糾集銀十萬圓寄充經費茲復以邊事日亟恐用款無多不能經久乃再集資三十萬圓續行滙解觀華人之好義若此殊可風矣由是而益見中朝氣運之隆正未有艾焉○忠義憤發 岳少保嘗曰文官不要錢武臣能捨命斯言炳若日星如聞其聲如視其人也昨者綠營老將閒談閏月間歐陽健飛軍門微抱采薪適以法人兩投哀的美敦沿海防務大爲吃緊因卽力疾前赴鎮海行營整備軍旅藉資調攝目下政躬安燕如常其所以公而忘私忠而忘身者已見一斑若窺全豹則武穆所言殆軍門之謂與

廈門近聞 六月三十日廈門探訪人來信云是處華人咸謂法國戰艦指日必前來攻
廈故土人多遷入內地以避兵燹現統計離廈者已有一二萬之數夫土人之所以徙入
內地者非因懼法人誠恐戰務一開無賴之徒藉端搶掠故早爲之避耳目下廈門炮臺
加意修整建築長堤鞏固如銅鐵城壁法人雖如鬼之狡亦恐無穴可入也二十五日福
建火船離廈赴台灣淡水載有兵約一千名往卓士都亞葛處駐紮以資鎮守日前福建
火船復回廈門稱說自劉帥克復基隆之後祇有法國戰船一艘灣泊於此其勢孤力
弱直如釜魚籠鳥我軍苟一擊之則醜類無孑遺矣現基隆生意漸漸興復而人民亦頗
安靜但前者華兵所燃燒之煤於今火向未熄云夫以鉅萬之煤利付之一炬亦屬不得
已之舉也而使詐使貪之法人不幾變垂涎欲得之心而爲垂首喪氣哉聞基隆一役被
傷之華兵共有七名俱到淡水入醫院調理此醫院乃西醫贊臣所司理云

鳥倦知還 前老本港轉政司馬告假偕其夫人及女公子赴澳
斯利亞洲行遊現假期已滿經於初五日附搭刼行之晚苗火船
抵港將復履原任辦理公務矣○汕頭遭風 茲聞上禮拜四晚
及禮拜五朝汕頭遭風賊肆虐貨伯楊威海上船艘多遭損壞而
舳板貨艇爲尤甚云是亦一場鉅災也○粵城電音 初五日旗
昌行接到羊城電音謂旅居粵垣之法人經華官着行出境不得
逗遛云觀此可見兩國戰務之急矣○電線近聞 東部洲電線
公司之總辦出有佈啟謂福州到港電線現遭風損壞不能傳遞
凡欲發電往福州者須從上海經過傳遞云觀此則前兩日福州
不見回電者職是之故耳○封禁口岸續聞 初五日羊城大憲

移文到港着來往省港之夜火船暫行停止蓋因軍務緊急黑夜難於稽察且河道置有水雷誠恐洩觸故也而日火船來往亦須僱用帶水人引行其僱用帶水人費用由該船發給駛至虎門即要停泊待華官查驗然後放行蓋以防奸細之作弊也

○橫濱近錄 日本美路報云前者有日人加濟大美叔到意大利國學習繪畫油畫至今已歷數年技藝有成所出之畫皆屬寫生妙手矯矯不羣該日人現到美國聞其名者莫不以其筆跡為幸擬之三都賦之紙貴洛陽殆亦同茲聲價也尼芝新報言柯美製蔴局現集股銀二十萬圓業有成議經委有農務商務局某官赴德國購買機器矣計所購機器及所建局磨約銀十二萬圓所餘貨本八萬圓則用以購買生蔴云○道路之言 初五日本港華人紛紛傳說謂南洋火船當由海防來港之時於途中被中國平洲海砲船截獲即拖往羊城云云按平洲海砲船初五日尚在本港灣泊此說恐非真確也○銀行近報 茲聞東藩滙理銀行擬行分派新股份凡有欲入股份者可至香港上海銀行領取股份憑條其派股份之期限至是月二十六日截止云○事屬傳聞 初六朝本港道路傳說初四日有法兵在福州芭蕉近處攻擊砲臺為華軍殺退轟斃法人無算云聞者莫不拍掌稱快本館驟聞此耗亦為之喜而不寐未暇計事之確否亦即登報以快率土普天之公憤

馬江形勢 前有西友逆及福州馬尾之炮臺其形如小湖由馬尾出海口而踰新寧不及黃河之半法船七艘泊於馬尾湖內與製造局相近砲臺則在海口下面去馬尾約十五里法船欲出海口必由小河經過砲臺相離不過一二十丈許湖口有華船七八艘滿載石塊以俟法人懼其鑿船沉石堵塞湖口則法船坐困於中不能駛出故亦另以一兵船泊於湖口令石船毋動動則必將致死於爾然馬尾湖內亦停有中國小火船裝火藥五百担於中倘一開戰即當駛入法船之中燃藥轟之火攻固兵家上策也湖口外一帶小河密布水雷防守極為嚴密布置均甚周密法船之在湖內者真危如累卵矣惟前泊吳淞外之法國鐵甲船德利用芳載兵船答拉克現俱開去雖不知其何往或者駛往馬江為內外夾攻之計則亦不可不防想責在防邊者亦必早為料及也○傳聞不實 昨日有西人傳說謂大沽口有法兵船三艘為砲臺上華兵開砲擊沉云云聞之不禁拍案一快惟本館查得大沽口去砲臺約三十里砲力雖遠未必能中且昨下午兩點鐘本埠接有津沽電信並未提及顯係傳聞之訛耳書竟又不禁擲筆一嘆○壯心未已 有人來自都門謂左侯相現因法人梗議積不能平擬請親赴上海與法使面議一切如不能轉圜即當與曾沅圃宮保戮力同心共伸撻伐然都中為根本重地正賴

舊東藩滙理銀行告白

啟者凡有香港舊東藩滙理銀行之銀紙者
祈交與辦理攤數人俾得換轉單票壹張註
明所交銀紙員數若干以便登記存有銀紙
者須要填寫格式紙壹張內列明銀紙員數
若干及號數暨給發日期統交與承辦攤數
人查核其格式紙則存在皇后大道該銀行
處欲取者卽至領給可也此佈

甲申年 六月 十五日

勿臣 啟
參拿 祇

新

火燭保平安
啟者煙司亞迪公司曉碧公司聯亞
宴梳公司每公司各備資本二百萬
圓專保火燭宴梳倘 客商偶遭失
慎亦不至血本無歸實於生意場中
大有裨益舉辦以來歷數十年之久
極臻妥善本公司代辦十餘年賠償
爽捷中外皆知所有房屋行店貨倉
貨物等均可保平安價甚相宜 貴
商賜顧請至本行面酌是荷 早三
火燭保險代理人些刺士公司謹啟

客發桂玉來泰廣

啟者本號自辦安
邊足油玉桂正清
花桂燕子山珠砂
水桂北高麗參白
泡丁參寧古台參
吉林抄參發售價
甚相宜 貴客光
顧請移玉步臨
香港上環永樂街
廣泰來號謹啟

九號中華印務總局王韜刊印